



INVITAZIUN A LA CONFERENZA DA PRESSA

Als 7 da settember a las 11.00, via zoom
Preschentaziun da la segunda ediziun da
Lettere dalla Svizzera alla Valposchiavo
in festival dal tuttafatg deditgà a la creaziun litterara svizra en las quatter linguas naziunalas
7/9 d'october da 2022 – Puschlav (Grischun, Svizra)

Nus ans legrain d'As envidar a la conferenza da pressa per preschentar il festival *Lettere dalla Svizzera alla Valposchiavo* che vegn ad avair lieu

Mesemna als 7 da settember a las 11.00, via zoom

(il link vegn tramess als 6 da settember a las medias che conferman lur preschientscha cun prender si contact cun il biro da pressa)

Intervegnan:

- **Begoña Feijoo Fariña**,
direzziun artistica ed organisaziun dal festival
- **Renato Isepponi**,
schef dal departament da la Cultura da la Vischnanca da Puschlav, che purta lura er il salid da la Vischnanca da Brusio
- **Kaspar Horwald**,
directur da Valposchiavo Turismo
- **Walter Rosselli**,
comité da programmaziun e vicepresident dal festival
- **Astrid Schumacher**,
musicista, responsabla dals lavuratori per l'uffanza

Lettere dalla Svizzera alla Valposchiavo, il festival dal tuttafatg deditgà a la creaziun litterara svizra en las quatter linguas naziunalas, turna per la segunda ediziun **dals 7 als 9 d'october, a Puschlav, e sco tematica da ses program vegnan ad esser las CHASAS.**

Quai èn las **chasas** nua che nus vivin u ils lieus nua che nus ans identifitgain sco commembras e commembers dad ina cuminanza, ma er las chasas che ans serran mintgatant en, quellas ch'ins sto bandunar per mitschar d'ina guerra, ina persecuziun u la mancanza da perspectives. I dat lura chasas che retschaivan, che porschan in lieu per ina nova identificaziun e che protegian. La segunda ediziun dal festival vegn deditgada a tut questas chasas, quellas materialas e quellas da l'olma, pervia che, sch'ins guarda bain, ina chasa datti en mintga roman, en mintga poesia.

Lettere dalla Svizzera alla Valposchiavo nascha d'in'idea da Begoña Feijoo Fariña, coordinatura dal project, ed ha in **comité da programmaziun** cumponì da **Walter Rosselli** (autur e translatur), **Fabiano Alborghetti** (poet e promotur cultural, Premi svizzer da litteratura dal 2018 e President da la Casa della letteratura per la Svizzera italiana) en pli da Begoña Feijoo Fariña sezza (scriptura e promotura culturala en la domena dal teater e da la litteratura). Dapi quest onn 2022 vegn il comité enritgì cun ina nova vusch, quella da **Ruth Gantert**, per la programmaziun da la litteratura en lingua tudestga. Ruth Gantert è mediatura culturala, redactura e translatura, directura artistica dal Service de Presse Suisse, directura da la revista litterara annuala svizra Viceversa.

LETTERE DALLA SVIZZERA ALLA VALPOSCHIAVO È PUSSAIVEL GRAZIA A Pertschient Cultural Migros, Promoziun da la Cultura / Grischun, Fundaziun Jan Michalski, Pro Helvetia, Fundaziun Gohner, Prolitteris, Landis & Gyr Stiftung, Wilhelm Doerenkamp-Stiftung, Fundaziun Oertli, Promozione Cultura Poschiavo, Banca Chantunala Grischuna, Willi Muntwyler-Stiftung, Uffizi federal da cultura, Bun Svizzer Dal Cudesch, Boner Stiftung, Stiftung Stavros S. Niarchos, RePower, e la Vischnanca da Brusio, che en differentas modas e manieras sustegnan e promovon la segunda ediziun da "Lettere dalla Svizzera alla Valposchiavo".

Cun il Media Partenariat da **SRG SSR**

E cun la **COLLAVURAZIUN** da Casa della letteratura per la Svizzera Italiana, Valposchiavo Turismo, Viceversa letteratura, Lia Rumantscha

Puschlav, als 29 d'avust da 2022

INFOS

<https://lettereallavalposchiavo.ch/>

BIRO DA PRESSA - Laboratorio delle Parole di Francesca Rossini _Lugano
notizie@laboratoriodelleparole.net // presslab@laboratoriodelleparole.ch

Francesca Rossini mob: +41 (0)77 417 93 72

Paola De Michiel mob: +41 (0)79 752 37 15